



NOGOMETNI/FUDBALSKI SAVEZ BOSNE I HERCEGOVINE

NOGOMETNI SAVEZ FEDERACIJE BOSNE I HERCEGOVINE

NOGOMETNI SAVEZ

SREDNJOBOSANSKOG KANTONA/KANTONA SREDIŠNJA BOSNA

IZVRŠNI ODBOR

PROPOZICIJE

Natjecanja/takmičenjaza prvenstvo Kantonalne lige Srednjbosanskog kantona/
Kantona Središnja Bosnaza takmičarsku/natjecateljsku 2020/21godinu

Travnik, Ožujak / Mart - 2021.god.

Office: Hadži Ali-Bega Hasanpašića bb, 72270 Travnik, Tel./fax: 387 (0)30/ 511-778, 511-901

Identifikacijski broj: 4236133440001,

Transakcijski račun: Unicredit banka - Travnik 3386702200873768

Izvršni odbor Nogometnog saveza SBK/KSB na sjednici održanoj 26.08.2020.godine, na osnovu člana 31. Statuta Nogometnog saveza SBK/KSB i člana 4. Pravilnika o nogometnim takmičenjima N/F/S BIH, donio je sljedeće:

PROPOZICIJE

Natjecanja/takmičenja za prvenstvo Kantonalnih liga Srednjobosanskog kantona/Kantona Središnja Bosna za takmičarsku 2020/2021 godinu

OPĆE ODREDBE

Član 1.

Prvenstvo nogometnih klubova Srednjobosanskog kantona/Kantona Središnja Bosna za takmičarsku/natjecateljsku 2020/21. godinu organizirat će se u okviru Kantonalne lige Srednjobosanskog kantona / Kantona Središnja Bosna

UČESNICI NATJECANJA

Član 2.

U natjecanju za prvenstvo Srednjobosanskog kantona/Kantona Središnja Bosna za natjecateljsku/takmičarsku 2020/21 godinu učestvuju nogometni klubovi Nogometnog saveza Srednjobosanskog kantona/ Kantona Središnja Bosna.

Član 3.

Broj klubova koji nastupaju u Kantonalnoj ligi Grupa »A« je osam (8) : NK Brnjaci, NK Katarina, NKBilalovac CPU, NK Lugovi, FK Kaćuni, FK Fojnica, NK Šantići, NK Romari, a broj klubova koji nastupaju u Kantonalnoj ligi Grupa »B« je sedam (7) ; NK Nova Bila, NK Gorica, NK Mladost, NK Karaula, NK Metallehe BSI, NK Elektrobosna, NK Dnoluka

UVJETI ZA UČESTVOVANJE U NATJECANJU

Član 4.

Za učestvovanje u natjecanju/takmičenju Kantonalne lige Srednjobosanskog kantona/ Kantona Središnja Bosna, pored ostalih klubovi moraju ispunjavati slijedeće uslove:

Igralište:

1. Da posjeduju odgovarajuće igralište sa travnatom plohom za igru minimalnih dimenzija 90 x 45 metara, teren mora biti travnat i ravan da bi se omogućilo normalno kretanje. Teren za igru mora biti odvojen od gledališta žičanom (zatvorenom) ogradom punog profila i odgovarajućeg kvaliteta. Ograda mora biti udaljena najmanje dva (2) metra od uzdužne linije igrališta i tri (3) metra od poprečne linije iza vrata (golova) u visini kaznenog prostora. Minimalna visina ograde je 120 cm.
2. Igralište mora posjedovati zaštitne kabine odgovarajućeg kvaliteta za rezervne igrače i stručno vodstvo ekipa za najmanje 13 osoba (13 sjedećih mjesta) kao i odvojenu kabinu za delegata utakmice. Kabine se postavljaju na uzdužnoj strani igrališta, propisno udaljene od terena za igru, odnosno uzdužne linije (dva do tri metra), zaštićene od kiše i vjetra.
3. Na stadionu moraju postojati svlačionice za obje ekipe i posebna svlačionica za sudije. Sve svlačionice trebaju imati mokre čvorove - kupatila sa topлом vodom, za igrače sa tri (3) tuš ruže, a kod sudija jedna (1) tuš ruža. Svaka svlačionica treba imati posebno WC.

4. Stadioni gdje se igraju utakmice Kantonalne lige moraju imati adekvatan prostor za gledatelje.
5. Izlazak na teren i povratak igrača u svlačionicu, stručnih rukovodstava ekipa, delegata i sudija, mora biti osiguran i odvojen od gledalaca. Prolaz od svlačionica do terena za igru mora biti fizički odvojen od gledatelja i mehanički zaštićen.
6. Na stadionu treba biti posebna prostorija za sastavljanje zapisnika, trebada postoji ispravna telefonska linija i telefaks, kao i dostupan internet konekcijom za potrebe Comet informacionog sistema. Klub domaćin treba da osigura stol i dovoljan broj stolica za brifing.
7. Igralište mora biti primljeno od nadležne Komisije za prijem igrališta i registrovano za odigravanje prvenstvenih i kup utakmica. Zapisnik o prijemu-registraciji igrališta treba da je javno istaknut u prostoriji gdje se sačinjava zapisnik utakmice.

OSTALI UVJETI

1. Klub mora ispunjavati uvjete iz Normativa minimuma stručno-pedagoškog rada za mlađe kategorije nogometnika.
2. Klubovi Kantonalne lige , trebaju raditi na formiranju omladinskih selekcija, kako bih mogli učestovati u takmičenju/natjecanju omladinskih selekcija u organizaciji Nogometnog saveza SBK/KSB, a poželjno je da formiraju školu nogometa za uzraste od 7 do 11 godina u kojoj bih se djeca neprekidno nogometno educirala.
3. Za utakmice natjecateljskoga/takmičarskog karaktera klub domaćin,odnosno organizator u Kantonalnoj ligi obavezan je osigurati najmanje 3 lopte koje u svemu moraju odgovarati propisima iz Pravila nogometne igre.U slučaju da se utakmica igra po snijegu , odnosno da je teren za igru pokriven snijegom , lopta mora biti crvene boje.

Član 5.

Klubovi koji ne ispunjavaju uslove iz člana 4, pod »igralište« ovih propozicija, mogu u cilju sprovođenja takmičenja/natjecanja uzeti pod zakup igralište nekog drugog kluba ili vlasnika, potpisivanjem sporazuma o korištenju igrališta, s tim da isto ispunjava uslove iz člana 4, pod »igralište« ovih propozicija.

Član 6.

Takmičenjem Kantonalne lige rukovodi Izvršni odbor Nogometnog saveza SBK/KSB putem Natjecateljskih/Takmičarskih organa (Komija/Povjerenstvo za natjecanje/takmičenja, Komesara/Povjerenik za suđenje, Disciplinska komisija/Stegovno povjerenstvo sekretar/tajnik za natjecanje/takmičenje).

Član 7.

Prvenstvena natjecanja/takmičenja sprovode se po dvostrukom bod-sistemu i vremenski utvrđenom kalendaru, sa dvije natjecateljske/takmičarske polusezone, jesen i proljeće.

Kalendar i raspored natjecanja/takmičenja, na prijedlog Komisije/Povjerenstva za takmičenje/natjecanje, usvaja Izvršni odbor Nogometnog saveza SBK/KSB, najkasnije 30 (trideset) dana prije početka jesenjeg, odnosno proljetnog dijela prvenstva/natjecanja, u iznimnim slučajevima i manje od 30 dana.

Raspored utakmica za prvenstvo u okviru Kantonalne lige određuje se žrijebom klubova učesnika u takmičenju/natjecanju i primjenom »Bergerovih tablica«, žrijebanje provodi Komisija/Povjerenstvo za natjecanje/takmičenje uz pomoć sekretara/tajnika natjecanja/takmičenja.

Član 8.

Nakon utvrđenog rasporeda natjecanja/takmičenja za prvenstvene utakmice, klubovi su obavezni u roku od pet (5) dana da dostave u Sekretarijat/Tajništvo za takmičenje/natjecanje:

- naziv igrališta na kome će igrati utakmice;
- mjesto odigravanja utakmica;
- spisak igrača za tekuću takmičarsku godinu;
- boju dresova (gaćice, majice, štucne), kao i rezervnu boju sa kojom će klub nastupati;
- vrijeme početka utakmica prema utvrđenom rasporedu;
- dan odigravanja utakmica (subota ili nedjelja).

Prije određivanja vremena početka utakmica, treba voditi računa o vremenskim prilikama, godišnjem dobu i pomjeranju vremena, kao i o tome da određeni termin ne bude na štetu gostujuće ekipe.

Član 9.

Klub domaćin igra utakmice u mjestu sjedišta kluba, a u nedostatku terena na drugom primljenom terenu koji ispunjava potrebne uslove za natjecanje/takmičenje, koji je dobio saglasnost kluba, izuzev ako se radi o terenu koji se nalazi na teritoriji drugog kantona potrebna je saglasnost nadležnog organa NS SBK/KSB, NS K/Ž na čijem se teritoriju igra utakmica.

Igralište koje klub prijavi pred početak takmičarske/natjecateljske sezone ne može mijenjati tijekom sezone, izuzev u iznimnim situacijama o kojima odlučuje Komisija za takmičenje uz poštivanje principa regularnosti takmičenja/natjecanja.

Član 10.

U interesu što regularnijeg odvijanja završnog dijela natjecanja/takmičenja, dva (2) posljednja kola trebaju se igrati istog dana, u isto vrijeme, prema utvrđenom rasporedu natjecanja/takmičenja, izuzev u iznimnim situacijama o kojima odlučuje Komisija/Povjerenstvo za takmičenje/natjecanje imajući u vidu regularnost takmičenja/natjecanja. Klub je dužan na teren doći 60 minuta prije utakmice i nastupiti sa najboljim sastavom.

PROMJENE TERMINA UTAKMICE

Član 11.

Utvrđeni raspored takmičenja/natjecanja može se promjeniti, ukoliko je zahtjev za izmjenu termina podnijet Komisiji/Povjerenstvu za natjecanje/takmičenje najkasnije 8 dana od dana utvrđenog za odigravanje utakmice, pod uslovom da razlog zahtjeva nije u suprotnosti sa odredbama člana 19 i 20 Pravilnika o nogometnom natjecanju NS/FS BiH.

Ukoliko je zahtjev podnijet nakon navedenog roka iz predhodnog stava neophodna je saglasnost i drugog kluba, najkasnije u roku od 3 dana prije utvrđenog termina utakmice. Odluku o zahtjevu u oba slučaja donosi Komisija/Povjerenstvo za takmičenje / natjecanje.

Član 12.

Utakmice se mogu igrati samo na terenima koji su podobni za igru ukoliko ispunjavaju uslove iz člana 36. Pravilnika o nogometnim natjecanjima/takmičenjima Nogometnog/Fudbalskog saveza Bosne i Hercegovine i člana 5 ovih Propozicija.

Klub domaćin je obavezan da teren pripremi za igru tako da bude potpuno pripremljen za odigravanje utakmice. Da li je teren pripremljen za igru ili nije, odlučuje glavni sudija koji je određen da vodi utakmicu. Sudija će u zapisniku navesti da li je ili nije teren sposoban za igru, radi uzroka više sile ili zbog nemarnosti kluba domaćina.

Ako se u toku takmičenja/natjecanja neka utakmica ne odigra zbog neosiguranoga terena krivicom kluba domaćina-organizatora utakmice, ista se na osnovu člana 60. Pravilnika o nogometnom natjecanju/takmičenju Nogometnog saveza BIH ima registrovati službenim rezultatom 3:0 (par-forfe) u korist protivnika-gostujuće ekipe.

Sudija i delegat obavezni su da u zapisnik unesu zaključak o neispravnosti terena ili zaključak da teren nije bio osiguran. Delegat će zapisnik dostaviti nadležnom organu u roku od 24 sata, u smislu člana 36. Pravilnika o nogometnom natjecanju/takmičenju Nogometnog saveza BiH.

NAJMANJI BROJ IGRAČA U IGRI

Član 13.

Utakmica ne može da počne ako jedan od timova nema najmanje 7 (manje od 7 (sedam) igrača, sudija je dužan zaustaviti igru, a ako u roku od 5 (pet) minuta klub ne nastupi s minimalnim brojem igrača, sudija je dužan da odsvira kraj utakmice, shodno članu 37. Pravilnika o nogometnim takmičenjima N/F/S BIH i pravila III Pravila nogometne igre.

Svaki klub prijavljuje u **zapisnik 20 (dvadeset) igrača**. U igri učestvuje 11 (jedanaest) prijavljenih igrača, a tokom utakmice mogu se **izvršiti 5 (pet) zamjena**, uključujući i golmana. Predstavnici klubova obavezni su dostaviti delegatu sastav ekipa sa ispravnim igračkim legitimacijama i akreditacijama službenih osoba klubova, najkasnije 60 minuta prije početka utakmice.

Spisak mora biti ovjeren i potpisani od zvaničnog predstavnika kluba.

OPREMA IGRAČA

Član 14.

Klubovi moraju poštivati boju opreme kluba protivnika, koje su prijavljeni prije početka prvenstva u Tajništvo/Sekretarijat saveza i objavljene putem informativnog glasila. Ekipa na službenim prvenstvenim utakmicama mora nastupiti u dresovima sa pridajućim grbom vlastite ekipe i u složbenim bojama kluba koje je ekipa prijavila prije početka prvenstva. Ekipe na jednoj utakmici nemogu igrati u istim ili sličnim bojama dresova. U protivnom dresove će promjeniti domaća (prvoimenovana) ekipa, za nepoštivanje navedenog delegat utakmice će prijaviti klubove zbog zanemarivanja obaveza i isti će snositi disciplinsku odgovornost.

Brojevi na dresovima moraju odgovarati onima na popisu igrača u zapisniku o utakmici. Ako su dresovi prugasti ili šareni, brojevi moraju biti na jednobojoj podlozi.

DUŽNOST KLUBOVA – ORGANIZACIJA UTAKMICE

Član 15.

Svaki klub dužan je na teren doći 60 minuta prije utakmice i nastupiti sa najboljim sastavom tima. Neizvršavanje obaveza iz ovog člana povlači disciplinsku/stegovnu odgovornost prema odredbama Disciplinskog/Stegovnog pravilnika Nogometnog/Fudbalskog saveza BiH.

Član 16.

Klub domaćin dužan je omogućiti delegatu održavanje sastanka 60 minuta prije odigravanja utakmice sa službama koje vrše organizaciju utakmice, službama zaduženim za sigurnost, vođama ekipa, rukovodstvom stadiona i medicinskom službom. Navedeno se odnosi na takmičenje/natjecanje na nivou Kantonalne lige. Klub domaćin dužan je delegatu utakmice osigurati ispravan kompjuter sapisačem, dostupnom internet konekcijom za potrebe Comet informacionog sistema. Delegat utakmice u zapisnik unosi igrače, službene predstavnike, trenere,fizioterapeute,lječnike a koji su prijavljeni u Comet sistem od strane NS SBK/KSB. Zapisnik sa utakmice popunjen od strane delegata utakmice ,Glavni sudac zaključuje po završetku utakmice. Delegat utakmice je dužan da u roku od 48 sati zaključi izvještaj sa utakmice kao i zapisnik sa utakmice u Comet sistemu.

Član 17.

Sat prije odigravanja utakmice, ovlašteni predstavnici klubova dostavljaju delegatu utakmice na uvid nogometne legitimacije/iskaznice igrača koji toga dana nastupaju, kao ilegitimacije/iskaznice šefa stručnog štaba/stožera, trenera, ljekara i fizioterapeuta.

Na klupi klubova Kantonalne lige mogu sjediti glavni trener i treneri sa PRO, A,B,C trenerskom akreditacijom izdatom od Centra za edukaciju kadrova NS/F/S BiH.

Trenerske akreditacije iz predhodnog stavka moraju biti propisno ovjerene za 2020.godinu za prvi dio sezone, a za 2021.godinu za drugi dio sezone.

Licence službenog predstavnika, ljekara odnosno fizioterapeuta validne ako su izdate od strane NS SBK/KSBi važe za 2020 prvi dio sezone i 2021 godinu za drugi dio sezone.

Kod izdavanja licence ljekara i fizioterapeuta potrebno je priložiti diploma o završenoj školi medicinske struke.

Delegat je obavezan da u zapisnik unese ime i prezime službenog predstavnika, šefa stručnog stožera/štaba, trenera, ljekara i fizioterapeuta jedne i druge ekipe i upiše broj licence. Ako delegat utakmice utvrdi da službeni predstavnik , šef stručnog stožera/štaba, trener, ljekar ili fizioterapeut nema odgovarajuću licencu neće mu dozvoliti da uđe u ograničeni dio terena za igru.

Član 18.

Klub domaćin obavezan je na svim utakmicama postaviti na jarbole Državnu zastavu Bosne i Hercegovine iz zastavu Nogometnog/Fudbalskog saveza BiH. Mogu se postaviti zastave Federacije BIH, NS Federacije BIH, zastave kantona/županija, klupske zastave i zastave fair-playa. Postavljanje drugih zastava nije dozvoljeno.

Klub domaćin dužan je da preduzme sve mjere u cilju osiguranja/obezbjedenja osobnosti/ličnosti: članova gostujuće ekipe, sudija i delegata, kako za vrijeme odigravanja utakmice, tako i po završetku utakmice, sve do napuštanja igrališta i mesta odigravanja utakmice.

Klub domaćin obavezan je sačekati gostujuće navijače ako organizovano dolaze (što gostujući tim treba najaviti), smjestiti ih u gledalište na posebnom mjestu i izvršiti obezbjeđenje/osiguranje istih u toku i poslije utakmice.

Klub domaćin obavezan je izvršiti prijavu utakmice kod nadležne Policijske uprave , te delegatu utakmice staviti na uvid da je utakmica prijavljena kod PU ili da je izdato odobrenje (shodno važećim zakonskim odredbama).

Domaći klub je također dužan da obezbijedi/osigura odgovarajuću dežurnu redarsku službu sa dovoljnim brojem redara, vidljivo obilježenih, te prisustvo pripadnika MUP-a, ljekara i dežurno sanitetsko vozilo ili drugo adekvatno vozilo sa oznakom Crvenog križa, sa osobnjem i nosilima, a po potrebi i druge službe. Bez pripadnika MUP-a, sanitetskog vozila, i redara utakmica se neće igrati.

Klub domaćin obavezan je dopustiti snimanje utakmice gostujućoj ekipi.Za nepoštivanje obaveza, protiv kluba domaćina primjenit će se disciplinske/stegovne mjere po odredbama Disciplinskog/Stegovnog pravilnika N/FS BiH .

PRAVO NASTUPA IGRAČA NA UTAKMICI

Član 19.

Na prvenstvenim utakmicama Kantonalne lige mogu nastupiti igrači koji su stekli pravo igranja, prema odredbama Pravilnika o registraciji, transferu i statusu igrača N/F S BiH. koji su navršili 17 godina života, kao i igrači koji su navršili 16 godina, ali sa obaveznim specijalističkim ljekarskim pregledom kojim se oglašava sposobnim za nastupanje na utakmicama seniorskog uzrasta, ukoliko im je to pravo potvrđeno od nadležnog organa i isto upisano u nogometnu legitimaciju, član 50 i 51 Pravilnika o nogometnom takmičenju NS/FS BiH. U sastavu prijavljenog tima moraju se nalaziti najmanje 3 igrača mlađih od 21 godine života, od kojih 2 igrač obavezno moraju započeti i završiti utakmicu. Za natjecateljsku/takmičarsku 2020/21 god. igrači mlađi od 21 god. života smatraju se igrači rođeni 01.01.1999.god. i mlađi.

Protiv kluba koji ne poštuje ove odredbe pokrenut će se disciplinski/stegovni postupak prema odredbama Disciplinskog/Stegovnog pravilnika N/FS BIH, a klub može snositi stegovne/disciplinske i Natjecateljske/Takmičarske posljedice.

Član 20.

Na svim prvenstvenim utakmicama igrači moraju imati uredne sportske legitimacije izdate od nadležnog organa za registraciju NS SBK/KSB sa ovjerenom članarinom za tekuću godinu.

IDENTITET IGRAČA

Član 21.

Na prvenstvenim utakmicama mogu nastupiti samo igrači čiji je identitet utvrđen putem fotografije iz Comet sistema, a u slučaju da Comet nije u funkciji, identitet će se utvrditi na osnovu javne isprave: lične karte ili pasoša, odnosno štampane ID Comet kartice.

Igraču sa neadekvatnom pohranjenom fotografijom u Cometu (kada je nemoguće utvrditi identitet), delegat utakmice neće dozvoliti nastup na utakmici. Identitet se u pravilu utvrđuje prije početka utakmice.

Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

LJEKARSKI PREGLED IGRAČA

Član 22.

Svaki igrač mora imati sportsku legitimaciju sa ubilježenim datumom i ovjerenim ljekarskim pregledom (pečat) od strane zdravstvene ustanove, izuzetno može imati zvaničnu ljekarsku potvrdu sa tačnim datumom i pečatom ljekara i ustanove o izvršenom ljekarskom pregledu, što se može primjeniti kao izuzetak samo za jednu utakmicu.

Ljekarski pregled zastarjeva u roku od 6 (šest) mjeseci, a za igrače mlađe od 17 godina u roku od 4 (četiri) mjeseca. Igrač koji nije upisan u zapisnik utakmice, ili nije izvršio ljekarski pregled, ne može nastupati na prvenstvenim utakmicama.

Protiv kluba i igrača koji prekrši odredbe ovog člana bit će pokrenut stegovni/disciplinski postupak prema odredbama Disciplinskog/Stegovnog pravilnika N/FS BiH.

NEODIGRAVANJE, PREKID UTAKMICE I NENASTUPANJE RADI SUSPENZIJE

Član 23.

Protiv kluba koji ne nastupi na Prvenstvenoj utakmici, koji izazove prekid utakmice, napusti teren ili ne nastupi zbog suspenzije, postupit će se prema odredbama Pravilnika o nogometnim natjecanjima/takmičenjima N/FS BiH i DP NS/FS BiH.

Ove odredbe primjenjivat će se i za igrače, ukoliko učine prekršaj iz prednjeg stava.

Ako u roku od 15 minuta od određenog vremena za početak utakmice stavnog takmičenja jedan tim ne nastupi sa potrebnim brojem igrača, sudija će saopštiti kapitenu tima koji je nastupio da se utakmica neće odigrati i to će upisati u zapisnik.

Izuzetno, u slučajevima da klub nije mogao da nastupi uslijed više sile, sudija će sačekati i nešto duže, ali će voditi računa o tome da utakmica može da se završi na vrijeme. Ukoliko je utakmica prekinuta iz razloga više sile, a prije isteka 80 % regularnog vremena, ili nije odigrana, utakmica će se odigrati narednog dana, u isto vrijeme, a ako se ne može odigrati ni narednog dana, takmičarski/natjecateljski organ će utvrditi novi termin za odigravanje utakmice. Klub koji ne uplati prvu ratu kotizacije za troškove natjecanja/takmičenja i dugovanja po odlukama stegovnih/disciplinskih organa iz predhodnenatjecateljske/takmičarske godine, najkasnije 15 dana pred početak jesenjeg natjecanja/takmičenja, odlukom Disciplinskog/Stegovnog suca bit će suspendovan, utakmica ovog kluba neće se igrati, a nakon dvije neodigrane utakmice smatrati će se da je klub odustao od natjecanja/takmičenja svojom krivicom, član 65 Pravilnika o natjecanju. Druga rata kotizacije ima se platiti najkasnije 15 dana prije početka proljetne polusezone. U suprotnom, nastupa sankcija kao iz predhodnog stava ovog člana.

Klubovi su u obavezi u roku od 14 dana izmiriti svoje obaveze i dostaviti u sekretarijat saveza, ili (delegatu utakmice) na uvid uplatnicu kojom se potvrđuje uplata svih vrsta dugovanja kluba prema savezu ili službenim licima u punom iznosu, u protivnom Takmičarska/Natjecateljsko komisija/povjerenstvo će putem sekretara/tajnika obavjestiti službena lica/osobe kao i protivnički klub da ne putuju na odigravanje utakmice. Takmičarski/Natjecateljski organ će istu registrirati službenim rezultatom 3:0 u korist protivničke ekipe.

DELEGAT UTAKMICE

Član 24.

Za sve prvenstvene utakmice, nadležni organ delegiranjem će odrediti delegata utakmice i njegovog zamjenika, koji zastupa takmičarsko rukovodstvo i ima vrhovni nadzor na utakmici.

Nakon određivanja, delegat dobija nalog Sekretarijata/Tajništva saveza putem internet portala NS SBK/KSB, u čijem sadržaju mora biti navedeno mjesto, datum i sat odigravanja utakmice, podaci o sudijama, prezime, ime i mjesto stanovanja.

U slučaju da na utakmicu ne dođe određeni delegat ili njegov zamjenik, dužnost delegata će obaviti sudija susreta.

Delegat utakmice je obvezan ukazati na mjere opreza i zabrane, a koje se odnose na globalnu pandemiju virusa COVID-19.

Delegat će satprije odigravanja utakmice održati sastanak u prisustvu: vođa timova, sudije utakmice, predstavnika organizatora, povjerenika/komesara osiguranja/obezbjedenja, šefa policije i drugih sa ciljem uvida u stanje igrališta, svlačionica igrača i sudija, servisa prve pomoći i stanja sigurnosti/bezbjednosti i dr. Takmičarski/Natjecateljski organ – komesar/povjerenik za takmičenje/natjecanje će donijeti posebno upustvo o vršenju dužnosti delegata, a Komesar za sudije i suđenje će donijeti upustvo o načinu ocjenjivanja sudija, koja će se dostaviti delegatima i sudijama.

Određivanje delegata za utakmice Kantonalne lige vrši Natjecateljska/Takmičarska komisija/povjerenstvo NS SBK/KSB, a što je regulisano Poslovnikom o radu povjerenstva/komisije.

Delegat je dužan neposredno po odigranoj utakmici Kantonalne lige ocijeniti suca i ocjenu upisati u zapisnik utakmice. U slučaju potrebe, od delegata se može zatražiti dopunski izvještaj.

Delegat je obavezan evidentirati način isplate troškova službenih lica

SUDIJE

Član 25.

Sve prvenstvene utakmice Kantonalne lige mogu voditi sudije sa ispitom Saveznog/Federalnog nogometnog sudije ili sa ispitom Kantonalnog sudije, koji se nalaze na listama verifikovanim od strane Izvršnog odbora nogometnog saveza SBK/KSB. Liste predlaže Komisija/Povjerenstvo za sudije i sudska pitanja, liste sudaca su prohodne i utakmice Kantonalne lige mogu suditi suci sa liste višeg ranga takmičenja.

Određivanje sudija vrši Komesar/povjerenik za suce i suđenje, po odluci IO NS SBK/KSB.

Nakon određivanja, sudija dobiva »nalog za suđenje«, putem internet portala NS SBK/KSB u kojem se navode svi podaci potrebni za obavljanje dužnosti (ekipe, mjesto odigravanja utakmice, datum, vrijeme, imena službenih lica).

Član 26.

Sudija utakmice je dužan da prije početka utakmice pregleda i odluči da li je teren sposoban za igru ili nije. Ako sudija utvrdi da je teren nesposoban za igru, to konstatiše u zapisniku u skladu sa članom 36. Pravilnika o nogometnim takmičenjima Nogometnog saveza BIH i o tome obavijestiti na sastanku kojim rukovodi delegat sat prije početka utakmice.

Sudija je dužan da poslije utakmice ispuni sve relevantne podatke u zapisnik o utakmici, da ga potpiše i predal delegatu utakmice, koji će isti dostaviti u Sekretarijat/Tajništvo za takmičenje sa svojim izvještajima. Ukoliko delegirani sudija ne dođe na utakmicu, istu će prvi asistent sudija, a ako i on ne dođe sudit će drugi asistent sudija.

Ukoliko na utakmicu ne dođe ni jedan od delegiranih sudija, klubovi će se sporazumjeti da utakmicu sudi jedan od prisutnih sudija. Ako Sporazum između klubova ne bude postignut, onda će delegat odlučiti koji će od prisutnih sudija suditi utakmicu.

Komesar/Povjerenik za sudije vrši delegiranje sudaca putem Comet sistema a delegiranje sudaca se mora objaviti prije početka utakmice.

Ukoliko na utakmicu ne dođe jedan ili obojica pomoćnih sudija, glavni sudija će odlučiti o izboru pomoćnih sudija.

Ocjenu uspješnosti u suđenju za sudije susreta daje delegat, a isti je dužan opisati date ocjene u skladu sa Pravilnikom o sudcima i suđenju.

Protiv sudije koji ne dođe na zakazanu utakmicu, pokrenut će se disciplinski/stegovni postupak prema odredbama Disciplinskog/Stegovnog pravilnika Nogometnog/Fudbalskog saveza BiH.

SUSPENZIJA

Član 27.

Suspendovani tim, odnosno svi igrači suspendovanog kluba, ne mogu nastupiti na prvenstvenim utakmicama sve dok traje suspenzija.

Sve odigrane utakmice u vrijeme suspenzije izrečene radi neizvršavanja pravosnažnih odluka nadležnih organa ili neizvršenja nespornih obaveza nastalih iz takmičenja predviđenih ovim Propozicijama, registrovat će se 3:0 (par-forfe) u korist protivnika.

Ako suspendovani tim nastupi na javnoj utakmici, pokreće se disciplinski/stegovni postupak prema odredbama Disciplinskog/Stegovnog pravilnika, uz primjenu člana 60 DP NS/FS BiH pri izricanju kazne . Ista kazna primjenit će se i za klub koji nastupi protiv suspendovanog kluba ukoliko je blagovremeno , a najkasnije 48 sati prije odigravanja utakmice pismenim putem obavješten o suspenziji kluba.

Ostale utakmice na kojima suspendovani tim nije mogao nastupiti zbog suspenzije izrečene radi utvrđivanja materijalne istine neophodno potrebne za donošenje konačne odluke o nekom spornom slučaju, neće se registrovati sve dok se ne doneše konačna odluka. Po donošenju konačne odluke, klub je dužan odigrati utakmice prema rasporedu takmičenja.

ŽALBE I ODLUČIVANJE PO ŽALBAMA

Član 28.

O regularnosti utakmice stalnog takmičenja može se rješavati na osnovu žalbe oštećenog kluba i izještaja službenih lica. Pod oštećenim klubom u smislu prethodnog stava podrazumjeva se svaki klub koji je oštećen rezultatom utakmice na koju se ulaže žalba.

Žalbe po svim osnovama moraju se telegrafski ili faksom najaviti u roku od 24 sata po odigranoj utakmici, a obrazloženje sa dokazom o uplaćenoj taksi utvrđenoj odlukom i ovim propozicijama, ima se dostaviti u roku od 48 sati od dana odigravanja utakmice.

Ukoliko rok za najavu i ulaganje žalbe ističe u nedelju ili na državni praznik, rok za najavu i ulaganje produžava se za prvi naredni radni dan.

Žalba se dostavlja Komisiji/Povjerenstvu za takmičenje/natjecanje u dva primjerka.

Član 29.

Neblagovremeno najavljeni,neobrazloženi,netaksirani ili nedovoljno taksirani žalbe neće se uzimati u postupak,već će se odbaciti, a utakmica će se registrovati postignutim rezultatom.

Odluke o uloženim žalbama biti će donijete u roku od 7 dana od dana prijema žalbe.

Član 30.

Za utakmice Kantonalne lige,o žalbama u prvom stepenu odlučuje Povjerenstvo/Komisija za natjecanje/takmičenje pripadajuće lige koja vodi natjecanje/takmičenje.

Član 31.

Žalba na prvostepenu odluku podnosi se Apelacionoj komisiji nogometnog saveza SBK/KSB u roku od 3 (osam) dana od dana prijema pismene odluke prvostepenog organa.

Drugostepena odluka mora biti donesena u roku od 15 (petnaest) dana od dana prijema žalbe.

Drugostepena odluka je konačna.

Protiv odluke drugostepenog organa, može se podnijeti zahtjev za zaštitu zakonitosti, Izvršnom odboru nogometnog saveza SBK/KSB u roku od 8 (osam) dana od dana prijema odluke drugostepenog organa.

Izvršni odbor nogometnog saveza SBK/KSB će po zahtjevu kluba rješavati u roku od 15 (petnaest) dana računajući od dana prijema istog uz obavezno prethodno mišljenje Povjerenstva/Komisije za propise (član 79. Pravilnika o nogometnim takmičenjima BIH).

Član 32.

Takse na žalbe u prvom i drugom stepenu vezane za Pravilnik o nogometnim takmičenjima, Disciplinski/Stegovni pravilnik i preispitivanje odluke pred Izvršnim odborom su slijedeće:

- taksa u prvom stepenu za klub iznosi 200 KM
- taksa u drugom stepenu za klub iznosi 400 KM
- taksa za preispitivanje odluke pred I.O. za klub iznosi 400 KM
- taksa za pojedince iznosi 50% od takse koju plaćaju klubovi.

REGISTRACIJA UTAKMICA

Član 33.

Ako na utakmicu nije uložena žalba, a ne postoje uslovi za registraciju po službenoj dužnosti sa 3:0 (par-forfe), utakmica se registruje postignutim rezultatom.

Ako je prvostepena odluka pravosnažna, ili je donesena drugostepena odluka koja je konačna, jednom registrirana utakmica ne može biti poništена, izuzev u postupku pred Izvršnim odborom NS SBK/KSB. Komisija/Povjerenstvo za takminičenje/natjecanje vrši registraciju odigranih utakmica najkasnije u roku od 21 (dvadesetjednog) dana od dana odigravanja utakmice.

Ako je uložena žalba, rok za registraciju utakmice produžava se do konačne odluke.

DISCIPLINSKE/STEGOVNE ODREDBE

Član 34.

O disciplinskim/stegovnim prekršajima igrača, službenih predstavnika (trener, ljekar, fizioterapeut, zvanični predstavnik kluba, komesar/povjerenik za sigurnost/bezbjednost) i klubova koji učestvuju u takmičenju/natjecanju, odlučuje se na osnovu Disciplinskog/Stegovnog pravilnika NS/FS BiH i odluka Izvršnog odbora NS SBK/KSB.

Prvostupanske odluke o Disciplinskim/Stegovnim prekršajima donosi Disciplinska/Stegovnopovjerenstvo/komisija u roku od 8 (osam) dana po odigranoj utakmici, odnosno podnesenoj prijavi.

Drugostupanske odluke po žalbama na odluke Disciplinska/Stegovnog povjerenstva/komisije donosi Apelaciona komisija, a žalba ovom organu podnosi se u roku od 3 (osam) dana nakon prijema pismene prvostupanske odluke putem prvostupanskog organa.

Drugostepeni organ će sve odluke donijeti u roku od 15 (petnaest) dana prijema žalbe.

Drugostepene odluke o disciplinskim/stegovnim prekršajima su konačne.

Protiv odluke drugostupanskog organa, može se podnijeti prijedlog za zaštitu zakonitosti u roku od 8 (osam) dana od dana prijema pismene odluke drugostepenog organa.

Izvršni odbor NS SBK/KSB će prijedlog riješiti u roku od 15 dana.

Automatska kazna zabrane igranja jedne prvenstvene ili kup utakmice nastaje poslije svake treće javne opomene koju igrač dobije na prvenstvenoj ili kup utakmici u toku jedne takmičarske/natjecateljske godine a automatski prestaje poslije prvenstvene ili kup utakmice na kojoj je igrač morao da pauzira, pa i u slučaju nastupa igrača pod automatskom kaznom na toj utakmici (član 15, 16 i 17 DP NS/FS BiH).

Javne opomene (žuti karton) radi kojih je igrač dobio crveni karton ne evidentira se, evidentira se samo crveni karton.

UTVRĐIVANJE PLASMANA

Član 35.

Plasman klubova na tabeli utvrđuje se prema odredbama člana 43. Pravilnika o nogometnim natjecanjima/takmičenjima N/FS BIH.

VRIJEME TRAJANJA UTAKMICE

Član 36.

Utakmice Kantonalne lige se igraju dva puta po 45(četrdesetpet)minuta. Odmor između poluvremena traje 10 do 15 minuta.

Ova odredba je u skladu sa Pravilima nogometne igre.

FINANSIJSKE ODREDBE

Član 37.

Sve prvenstvene utakmice podliježu slijedećim troškovima, koje snosi klub-domačin:

TROŠKOVI UTAKMICE KANTONALNE LIGE :

- | |
|--|
| - Delegatu utakmice ukupni troškovi iznose: 60,00 KM (šezdeset KM) |
| - Glavnom sudcu utakmice : 60,00 KM (šezdeset KM) |
| - Asistent A1 : 50,00 KM (pedeset KM) |
| - Asistent A2 50,00 KM (pedeset KM) |

UKUPNI TRŠKOVI ZA UTAKMICU IZNOSE: 220,00KM (dvjestovdvadeset KM)

Sve isplate vrše se odmah poslije odigrane utakmice. Iznimno , ako se troškovi službenih osoba isplaćuje putem transakcijskog računa, klub domaćin je dužan kopiju uplatnice dostaviti u roku od 5 (pet)dana po odigranoj utakmici u Sekreterijat/Tajništvo Saveza na faks :030/511-778, kao dokaz o uplaćenoj taksi.Ukoliko klub ne isplati službena lica ili ih djelimično isplati, klubu se ostavlja rok od 24 sata da troškove izmiri, nakon čega nastupa suspenzija izrečena od Disciplinska/Stegovno povjerenstvo/komisija do izmirenja obaveza u cijelosti.

Član 38.

Izvršni odbor NS SBK/KSB prije početka prvenstva donosi odluku o visini troškova natjecanja/takmičenja, koje su klubovi obavezni da uplate u dvije rate, svaku prije početka takmičarske/natjecateljske polusezone. Neizvršenje obaveza iz člana 37. ovih Propozicija povlači disciplinske posljedice u skladu sa odredbama Disciplinskog/Stegovnog pravilnika N/FS BIH.

POSEBNE ODREDBE

Član 39.

Taksa za žalbe po bilo kojem osnovu iz Propozicija za klubove Kantonalne lige uplačuje se na transakcijski račun Nogometnog saveza SBK/KSB, broj:3386702200873768, Unicredit banka.

Član 40.

Prvaku Kantonalne ligedodjeljuje se pehar u trajno vlasništvo.

Pehare u trajno vlasništvo mogu dobiti najbolji strijelac i pobjednik u »fair-playu«.

Odluke o dodjeli pehara i priznanja donosi Izvršni odbor Nogometnog saveza SBK/KSB, na prijedlog Komisije/Povjerenstva za natjecanje/takmičenje. Izvršni odbor NS SBK/KSB može dodijeliti i druga priznanja.

Član 41.

Za vrijeme odigravanja prvenstvenih i kup utakmica u igralištu, pored terena za igru, u zaštićenim kabinama mogu se nalaziti slijedeća lica:

1. predstavnik kluba sa akreditacijom koju izdaje Nogometni savez SBK/KSB;
2. Glavni trener sa odgovarajućom licencom član 17 Propozicija;
3. pomoći trener sa akreditacijom trenera član 17 Propozicija;
4. rezervni igrači u sportskoj opremi (9 igrača);
5. ljekar kluba sa legitimacijom/iskaznicom da je ljekar i akreditacijom, izdatom od NS SBK/KSB;
6. fizioterapeut – maser u sportskoj opremi sa legitimacijom/iskaznicom fizioterapeuta i akreditacijom izdatom od NS SBK/KSB.

POPUNJAVANJE LIGE

Član 42.

Prvak Kantonalne lige na kraju takmičarske 2020/21 godine prelazi u viši rang, Drugu ligu »Zapad«. Za nepostupanje po navedenom članu iz stavka 1 postupiti će se po odredbama Disiplinskog pravilnika BIH.

ZAVRŠNE ODREDBE

Član 43.

Za sve što nije predviđeno ovim Propozicijama, važe odredbe Pravilnika o nogometnim natjecanjima/takmičenjima N/FS BiH, Disciplinskog/Stegovnog pravilnika N/FS BiH i ostalih normativnih akata N/FS BIH, NS F BiH i NS SBK/KSB.

Član 44.

Izmjene i dopune ovih Propozicija vrše se prema istom postupku kao i njihovo donošenje.

Član 45.

Ove Propozicije stupaju na snagu danom donošenja, a primjenjuju se za 2020/21 takmičarsku godinu.

DOPREDSJEDNIK NS SBK/KSB

/ Softić Najim/sr

PREDsjEDNIK NS SBK/KSB

/Ivan Frljić/vr./